

十谷縣志李自年書

集明萬曆六年重脩岱嶽行祠記碑字祠地在縣城西北一里許殿宇久圯碑尚矗然葺于阡陌間搨

出以存古跡

寶坻楊鍾祥識



平谷縣志卷三

社會志

戶口

周禮司民掌登萬民之數自生齒以上皆登于版辨其國中與其都鄙及其郊野異其男女三年大比獻其數于王王拜受之登于天府重民命也至黃籍率一紀一更造以驗其生息若夫撫字之方又在司民牧者加之意耳志戶口

舊志戶五百五十一戶

口二千四百五十口

平谷縣志

卷三 戶口

一

天津文竹齋印

明季實存人丁五千四百四十四丁

清開除節年投充並逃亡故絕人丁共四千五百二十八丁實在編審幼丁並供丁共二千七百三十二丁各則徵不等共徵銀五百九十二兩九錢四分六厘又歷年編審滋生一千三百四十一丁奉恩詔永不加賦依雍正二年例攤入地糧得銀二百一十三兩四錢二分九厘

民國十一年清查戶口總數

戶一萬零五百二十八戶

口五萬七千四百九十九口

民國二十一年清查戶口總數

戶一萬二千零零三戶

口六萬五千零五十九口

平谷縣志

卷三 戶口

二

天津文竹齋印

民生

四民 邑俗質厚少文尙稼穡崇勤儉鄉鄰相稱如家人猶有古意士且耕且讀無刁健之習間一有之輒立敗農力耕而苦無田爲富室佃種出倍息故家鮮蓋藏而富室亦積財不積粟徒仰給於歲冀常稔稍歉收則米價騰貴貧者無所得食飢困不可言狀工無專業多其能以待求商則以農隙爲之負販而已城內商業者精心計權子母視稍有顧藉者貸以資窶人雖仰給鼻息弗顧也舊時服食多樸陋近亦或華其衣履酒食徵逐一飲宴動費若干緡至深山窮谷中亦有

平谷縣志

卷三 民生

三

天津文竹齋印

不重肉食而重海鮮者孰其以食時用禮化導之耶

民生四要素

衣 邑民儉樸饒具古風普通人士多衣土布近亦稍趨浮

華多有用寶坻縣所產之細布至著絲綢毛呢者百不見一

食 人民食料以粟米爲大宗高粱玉蜀次之黍稷又次之

豆類供佐食物稻麥爲上品專備供客之需人稠地窄且

多山河豐年農產可供全縣需用一遇凶荒輒有飢餓憂之

住 房屋分瓦茅兩種無樓居者瓦房居多數茅屋不過四

分之一但求穩固不尙華麗所需材料皆取給本縣無待

外運

行 全縣有縣道五北通密雲西南均通三河東東南均通
薊縣各鄉有鄉道每於冬初春暮兩次修築以通車馬各
渡口夏秋備舟楫春冬造橋梁民未病涉也

農家副業 一澱粉 二麥芽糖 三豆腐 四醬油 五醬

六醋 七芝蔴油 八棉花籽油 九落花生油

十大蔴籽油 十一粉條 十二乾果

澱粉每年出產量一萬斤資本五百元工價五十元全縣六
十家

平谷縣志

卷三 民生

四

天津文竹齋印

麥芽糖每年出產量三十萬斤資本一千五百元工價九十
元全縣只一家

豆腐每年出產量一萬二千斤資本二百元工價六十元全
縣三百家

醬油每年出產量五千斤資本四百元工價五十五元全縣
十五家

醫每年出產量一萬五千斤資本八百元工價五十五元全
縣七十家

醋每年出產量五十萬斤資本五百元工價六十元全縣二

十家

芝蔴油每年出產量五十萬斤資本五百元工價六十元全縣七十家

棉花籽油每年出產量八萬斤資本一千元工價七十元全縣五家

落花生油每年出產量七千斤資本三百元工價七十元全縣三家

大蔴籽油每年出產量二千斤資本一百元工價五十元全縣五家

平谷縣志

卷三 民生

五

天津文竹齋印

粉條每年出產量五萬斤資本五百元工價七十元全縣二百家

乾果每年出產量四萬斤資本六百元工價六十元全縣只一家

工業

建築業男八元一百零五金業男六元九十元油酒業男六元十

編織業男七元十縫紉業男七元十暑髮業男四元十

印刷業男九元十石灰磚瓦業男六元十靴鞋業男六元十

店員業男六元十染坊業男六元十雕刻業男九元十

| | | | | | | | |
|--------|------|--------|------|------|------|------|------|
| 負販業男 | 八九元十 | 佃農業男 | 五六元十 | 女 | 三元三十 | 童 | 二元二十 |
| 勞働業男 | 八元十 | 女 | 三元十 | 童 | 八元十 | 紡織業女 | 四元十 |
| 船漁業男 | 四元十 | 棉業男 | 六元十 | 皮貨業男 | 六元十 | | |
| 農具製造業男 | 一元一百 | 糧食麵粉業男 | 四元十 | | | | |

以上蓆筐等編織業及船漁業均爲佃農業兼營之至於工資價額皆按供給伙食每年每人計算

禮俗

四禮

冠禮之廢久矣匪獨吾邑婚則自問名後初下小禮如古納采繼下大禮如納徵獨不親迎近士紳家有行之者衆駭然禮既成觀者大悅極貧者論財喪娶者士人亦間有之皆禮律所禁也喪用浮屠說富者延僧道誦經其法用木偶人象死者囚禁之既誦經出偶人謂之破獄至再誦三誦皆然是家愈富而其親之入獄愈數徒爲觀美而何孝之足云祭用俗節祀先於墓或於寢卽士大夫家亦鮮有祠以祭者邨各

平谷縣志

卷三 禮俗

七

天津文竹齋印

有五道廟或佛寺道觀喪者哭於是水旱禱於是秋收後演劇賽神謂之廟會此四禮之大略也乃至父母在兄弟動輒異財女子幼時即不拜父母既嫁歸寧則其家視如賓客嘻其甚矣疇能不爲習俗囿也

四時習俗

正月元旦初起竈前先具香燭謂之接竈明燎陳盤案拜天地禮百神祀先祖堂中燒避瘟丹放起火響砲爲樂卑幼盛服飾拜尊長爲壽親朋交賀旬日乃止

迎春日帖宜春字茹春餅取迎新也

上元節張燈十四日至十六日止放焰火花炮又於十六日
士民羣遊過橋俗云散百病

二月春分日造春分酒

三月寒食日百五節男女添土於先墓具酒殺祭奠

清明折柳插簷男女戴於首女子有鞦韆之戲

四月八日鄉民或于各廟賽神

五月五日端午節射柳懸艾包角黍相餽兒女輩以色絲繫

頸臂名爲百歲索歲旱婦人羣聚洗箕於河求雨澤

六月六日暴衣書及畜水浸物不腐敗

平谷縣志

卷三 禮俗

八

天津文竹齋印

初伏日居民各以麥麵造酒麪

七月七日女子注水漂針窺影樣爲戲謂之乞巧節

十五日中元設麻穀于堂中祭先祖薦時食謂之鬼節

八月十五日中秋節夕設瓜果于庭院坐待月華供畢群飲

爲樂謂之賞月

九月重九日登高製花糕相餽釀菊酒

十月朔祭祖宗剪紙爲衣焚之謂之送寒衣

十五日滌場散農作

十一月冬至祀先拜尊長如元旦儀官府則賀冬民間不稱

賀

十二月初八日作臘八粥雜以米豆黍果爲之

二十三日暮祀竈神謂之送竈品用糖餅

歲除日帖春聯換門神桃符立天燈至夜明燎爆竹祀先祖
祭畢卑幼各稱觴爲父兄尊長壽圍爐聚飲曰守歲

宗教

釋教 近數年來迷信漸除奉釋教者老者死亡少者還

俗全境僧尼僅三十六人頗有江河日下之概

道教 觀廟道士多者三人少者一人全縣共計有十人

回教 無世居境內者

耶穌教 奉耶穌教者清光緒甲午年始見萌芽庚子後日

盛全縣現有男女教徒七十人近年入教人數有加縣城

內設有福音堂一處爲傳教之所

天主教 光緒初年已有秘密奉天主教者庚子後漸多民

國十年大盛現教徒約有三百惟縣內並無教堂之設立

方言

平谷言語似與舊都京話無甚差別凡上平下平字音則辨別分明入聲字每不甚明晰亦猶南人之不善讀平聲也志方言

平谷方言特別字

轟 初瓦切人在兩雪中行也

啥 卽甚麼之反切也

哏 讀如匪之上聲稱怎麼曰哏

爸 音霸呼父也

平谷縣志

卷三 方言

您 讀如凝卽南方你老人家之省文也

平谷方言土音字

筆 讀如彼藥 讀作耀 麥 讀作賣 略 讀作料 俗 讀作須 閣 讀作

稿 鶴 讀作豪 福 讀作府 鞋 讀作邪 墨 讀作密 錫 讀作西 霍 讀

作火 所 讀作灼 上聲 色 讀作曬 上聲 落 讀作勞 去聲 窄 讀作

齋 上聲 白 讀作拜 平聲 或 獲 俱讀作槐 覺 脚 俱讀作絞 摘 摘

俱讀作齋 國 郭 俱讀作鍋 耕 更 俱讀作經 善 惡 之 惡 讀作平

聲 一七八十俱讀作平聲 如此之類不勝悉舉

平谷方言稱呼之異

老爺 外孫呼外祖之語對於神則呼關公也

老老 外孫對外祖母之稱

大人 兒童對家長而言

平谷方言名物之異

蟲蠹 呼爲螞蚱 蟋蟀 呼爲趨趨 蜻蜓 呼爲馬郎

螳螂 呼爲刀郎 野兔 呼爲野貓 老鼠 呼爲耗子

烏鴉 呼爲老刮 螻蛄 呼爲拉拉穀

氏族

平谷氏族遷徙考略

自古每朝之季世或人主多欲或權臣專利苛斂橫征嚴行酷法民力日絀國本益虧馴致海內虛耗盜賊蠭起大亂之極豪傑出而芟夷之攻城略地人民之死於鋒鏑者何可勝數所存之兵燹餘生率皆遠避遐方及建立新朝則必移民以實羅劫郡縣又夷狄之患輒與一代相終始輕則掠擄邊郡甚則攻陷京師寇馬蹂躪井里邱墟居民亦必逃亡過半至於水旱凶荒更史不絕書賑濟難周老弱為溝中餓殍少

平谷縣志

卷三 氏族

十三

天津文竹齋印

壯亦瑣尾流離寄食異地大抵氏族遷徙之原因不外此三端縱覽前史千古一轍可為浩歎者也平谷邑名始自西漢後漢因之歷經晉代石虎慕容皝之亂通鑑晉成康四年趙王虎燕王皝合兵攻段氏破之其將支雄長驅入薊降四十年趙兵伐燕燕人襲之直抵餘戶於司雍竟豫四州又六年趙兵伐燕燕人襲之直抵城破武遂津入而高陽所至乃焚燒積唐室安祿山之變通鑑唐聚掠三萬餘家而去趙兵乃還唐室安祿山之變通鑑唐四載常山太守顏杲卿起兵討賊汲鄴六郡而已石晉割其附祿山者范陽盧龍密雲漁陽汲鄴六郡而已

與契丹通鑑新季晉天福元年石敬瑭割幽薊瀛莫涿金人

驅之東徙通鑑宋宣和五年金人來歸燕及涿易檀順景

而東惟存此皆受異族之壓迫而遷徙也考平谷舊志所載

金元兩代僅進士四人雖曰文獻不足難免闕漏然其文化之衰落已可概見矣明永樂元年建都北京移民以實畿輔二年營州中屯衛自塞北徙之腹內安置平谷縣中王鏗重文池修城此以政治之作用而遷徙也考明代平邑進士金純山任政使布金濂司都運使山東轉運金定察司福建按王鏗察司河前按王潯任主事戶部范愛僉事貴州譚昇知縣鄆城姚儔仕未八人舉人金綬任昌府金澄仕未金宙知縣恩縣曾鏞知縣垣曲錢傑府推官雄劉宗儒任知縣真陽唐相知州同州王鼎鼎城任京師南八人武舉張宗道中任屯撫署張鳴謙揮任都指羅希韓營任三屯宗蕃署任中屯王鼎

平谷縣志

卷三 氏族

十四

天津文竹齋印

隆仕未五人貢生金紳靈任山山西廣金寵州任山西金官孚任山西諭教金鳳喈訓任威縣胡俊州任山西朔胡賢州任山西蔚周昂任東廣寧衛魯禎州任江南通魯福州任遼東復陳璋縣任山東費傅東銘任州府訓導王沂鄉任山東金王治任州山東濟閻壽鄉任山西武李禋後任陝西甘州陳長慶山任山東福杜文明任江西南山方文光任度州訓導景宗魯主任沁水李世芳訓導津王嘉民任歸德傅有容任東流王鼎彝訓導唐王鼎鉉都縣山東益劉瀟賈琮羅希范劉以仁王洛王重錫王重陽王嘉訓王嘉孚均未三十三人皆營州中屯衛人此又因遷徙而文化興也嘉靖壬午

歲郊圻盜發掩其不備長驅入市剽掠任情見藝文王鏊嘉

靖癸亥冬寇馬奄至城下邑令任君部率市民分地設方略

以守各門於城殫其會二人陣內始免於危見藝文張四嘉

靖以前平谷人數九千五百五十口兩經大虜蹂踐死亡過

半至隆慶時口僅千餘矣見藝文劉愛因此戎馬之變而遷

徙也清康熙十八年平谷地震奇重後又頻遭荒歉民多流

亡遷徙四望邨落幾無煙炊見藝文浦文焯此因饑饉之災

而遷徙也經此數番之傷亡遷徙則金元以前千餘年舊族

存者希矣康熙中葉以後承平日久生齒浩繁今人口之數

平谷縣志

卷三 氏族

十五

天津文竹齋印

較從前增加倍蓰一切建設亦遠勝前朝惟自燕京廢都長城劃界昔為畿輔今成邊邑瞻望前途荆天棘地杞人之憂曷其有極考氏族遷徙之迹不特見文化興衰之由抑可知世代變亂之劇其關於史事至為重要也

災異

平谷縣地震記

清康熙十八年七月二十八日巳時忽地底如鳴巨礮又似數千馬颯沓而至始而廬舍搖蕩如舟在風浪中繼則全然傾圮壓斃者無算其生者亦咸破顛折體頃又聞地且沉爭登高以避蓋地裂丈餘黑水兼沙從底湧泛有騎驢行道中遂裂而墜杳無形影邑東山多崩陷海子莊東南有山長里許名鋸齒崖參差峙立形如鋸齒蓋地震搖散而未崩陷者其他斷如刀切而存其半者皆崩而陷入地中者也又大辛

平谷縣志

卷三 災異

十六

天津文竹齋印

寨莊南有磚井歪斜人呼爲搬倒井亦地震移動之所致是時城鄉房屋塔廟蕩然一空遙望茫茫了無障隔黑水橫流田禾皆毀人多無食闔境人民逃亡逾半至八月初六日帝遣員到縣放賑每戶銀一兩九月十五日又給壓斃之男女每名棺殮銀二兩五錢並將本年錢糧蠲免嗣經部查明計地震所及東至奉天之錦州西至豫之彰德凡數千里平谷三河極慘自被災以來或一月數震或間日一震多日尙未寧靜誠亘古所稀有之災也

清乾隆三十年大水災歲大饑

嘉慶元年五月二十五日大雨雹大如雞卵無麥秋又秋禾
大熟米賤每斗大錢一百文

六年夏霪雨連綿四十餘日大水秋禾不登

七年七月初旬蝗飛蔽天秋禾歉收

十八年九月十三日三環套日至十五日京師遂有天理教
匪之亂

二十四年七月初八日午後有怪風自西南來經過之處房
屋傾毀樹木或倒或折田禾盡偃

二十五年七月太白經天至十日乃止

平谷縣志

卷三 災異

十七

天津文竹齋印

道光元年七月霍亂時疫大作直至八月死者不可勝計

三年二月初一日日食八分有餘天色昏黃是年大水歲饑

四年自春至秋瘟疫大行又兼客歲荒年無食死亡甚多甚
有全家病沒無人埋葬者

十年六月初一日未時雷震縣城南門樓

十二年春夏大旱至七月始得雨秋禾至九月未熟經霜而
枯歲大饑

十五年九月彗星見於北斗漸南行光入天市垣至十月出
天市垣而沒

十七年七月十三日酉刻大雨雹雹大如卵如碗由城西二十餘里接連三河縣界秋禾盡毀

十八年七月十八日酉刻雨雹大如卵城東南北長二十餘里東西寬五六里秋禾盡損

十九年十月太白經天十一月初七日己刻至未刻日暈生五珥

二十年自六月十八日至七月十七日霖雨連綿大水

二十二年二月初旬彗星見於西南漸北行光犯天倉天苑

二十四年七月太白經天

平谷縣志

卷三 災異

十八

天津文竹齋印

三十年十月十七日大雪自此天氣嚴寒數日至十一月初

九日自丑至辰大雨

咸豐元年正月十三日己刻日暈雙珥有雲氣團結如白虹

自珥貫暈中

二年八月至九月太白經天

六年八月初七日至初十日飛蝗蔽天自南大至晚禾傷損

七年春螭生無麥秋

八年六月蝗自西南三河縣境至秋禾傷損

十一年五月下旬彗星見長數丈自北而南穿紫微垣犯貫

索餘芒入天市垣後漸南移至六月中光漸小而沒

同治元年七月太白經天

二年七月十五日自暮至初更流星無數如箭皆向西南行至二更方息

十年夏大水凡山居者水勢尤猛人被冲溺者甚多田地冲毀

十一年六七月霖雨大水凹地秋禾皆損九月二十一日自

辰至己刻天雨游絲白色長一二尺不等

光緒三年五月十六日申刻大雨如注山中蛟水漲發縣東村莊漂沒人口數十房屋冲毀雨後遠眺凡山腰出蛟處

平谷縣志

卷三

災異

十九

天津文竹齋印

皆灰白色不生草木

二十年自六月霖雨連綿四十餘日至七月下旬大水歲大

民國六年七月十六日烈風雨雹禾稼傷損後又大水田禾

多被冲淤歲大饑經官府查核成災散放銀洋棉衣等項

九年亢旱成災秋禾歉收經賑務處派員查核發放棉衣銀

洋等項

二十年夏月無雨亢旱異常田禾枯槁至八月中又發生黏

虫蝕害禾稼之葉雖竭力撲滅終受其災秋穫大減民食

維艱

平谷縣志卷三終

